

مکتبہ عالیہ دارالعلوم

۱۸ نجفی سنہ

جزء، عدد : ۸۴

سنہ ۱۳۱۶





مکتب

— طلبه به —

۱

مکتبده اوکرنور کشی حق و حقیقی
مخلوق، خلق، خالق، اخلاق، خلعتی .

مکتب دگلی کوزلره ایگرنج کوسترن
جانیلگی، یالانچیلغی، فسق و سرقی ؟

تحسینله، آفرینله، مکافات ایله بتون
القا ایدن کوکلره ذوق صداقتی ...

وجدانلره سرأر علویّه عرض ایدن،
جلب ایلان کواکه انتظار دقتی ...

تعین ایدن احاسنی هپ مسالکک ،
تدین ایدن محاسن شرع و طریقتی ..

مکتب دگلمی آدمه انسانلق اوکره دن ؟
مکتب دگلمی قلبه ویرن حس رقتی ؟

برذوق بی نهایتی واردر فضیلتک
حاصل ایدر بؤنشوهنی مکتب مشقتی .



مکتبده سبق ایدن امگی نسبتده در
انسانلرک سعادته وارسه لیاقتی .

مکتبده چوق چالشماسنک اجر و فیضیدر
زیدک وقوف حکمتی، عمر وک حذاقتی .

مکتبده اوکر نلده شرط معاشرت ،
مکتبده بلر آدم اصول رفاقتی .

مکتبلی مکتبک بیله من قدرینی یازیق
آتیده اولمادیجه کرفتار فرقتی .

مکتبده شمعی حایلار اولان اعتراف ایدر
برگون بوشیطتلره بکزر حماقتی .

مکتبده سعی ایدن ایسه قلب ایله مش اولور
بر عمر جاودانه حیات موقتی .

*

مکتب یگانه باعث آرایش بلاد ،
مکتب مدار اعظم آسایش عباد .

مکتب دیدیجه مکتبیم اتمکده در خطوط
مکتب دیدمده ایتدم اودار الیتیمی یاد :

اندیشه: درس!، قورقو: جزا!، چله: امتحان!
تعطیللرسه ازمنه شادی فؤاد .

کرمک، اوتورمق، اوینامق اکثر بلوک، بلوک،
یاقمقده، قالمقده بتون وارد در اطراد .



هر فرد بر رقیب ایلہ ایلر مسابقہ ،
 هر خواجہ درسده سبق آموز اجتہاد
 هر صنف اقلور غرور نما کندی دونہ
 رجحان فضلنہ ایدیور چونکہ اعتماد .
 بز قرداشملہ یان یانہ هر در سخاندہ ،
 بز قرداشملہ وحدتی ایتشدک اعتیاد .
 یارب اونییدی آہ ، اونیہ خوش بر زمان ایدی!
 پک آز دگل : سکر سنہ ایتشدی امتداد .
 وقیلہ گیرمہ سیدک اوت ، بز اومکتبہ
 او باش و سرسری ایدک آلودہ فساد .
 رحمت . مؤسسینہ ، رحمت اوجنتک
 اولسون سرشک محمدملہ عمومی شاد .
 مکتبلرہ دوام ایدک ، اقدام ایدک ! یازیق
 ای بی خبر چوجقار امان ایتیک عناد !
 حایلزلغک نتیجہسی یوقدر بیلک بونی
 جوق سرسری نی اورطیہ آندی بؤتندباد .
 جوق مقتدر دہات ایچکز دن ظہور ایدر
 ملکک سزگلہ ایلہجک شانی ازدیاد .
 ۲ مایس سنہ ۳۱۵
 اسماعیل صفیا

